



Finanziato
dall'Unione europea
NextGenerationEU



Italiadomani
PIANO NAZIONALE
DI RIPRESA E RESILIENZA



PROVINCIA AUTONOMA DI TRENTO

Ufficio Stampa della Provincia autonoma di Trento

Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 2643 del 25/09/2025

En vraita as de 26 van leistagest en S. Michele ont en sònsta as de 27 en Palai en Bersntol

Giuseppe Šebesta 1919-2025: zboa studiumta ver de 20 jor van toat

[Mòcheno] No zboa'sk jor van sai' toat, der Trentinische- Etnografische Museum va S. Michele a. A. organisiart zòmm pet en Bersntoler Kulturinstitut zboa studiumta za denken en groas trentinische etnograf Giuseppe Šebesta.

Etnograf ont schraiber, dokumentarist ont regist, moler ont autor va gschichtn, mòcher va trutn ont bisschòftsperimentator, der Šebesta hòt aupaut der Museum METS ont hòt aa mitgaholven za paun der Etnografische Museum van praich ont van tròchtn van lait va de Romagna MET va Santarcangelo di Romagna (RN) ont der Etnografische Museum van Zattieri van Piave va Codissago va Castellavazzo (BL).

De studiumta barn se hòltn en vraita as de 26 van leistagest nomitto kan METS va San Michele a.A. ont en sònsta en gònze to ka Palai en Bersntol ont s barn gadenkt kemmen de bisschòft-, de kreativn- ont de untersuach- òrbetn van autor ont s mensch aa.

Za sai' ganauer, kan Mets bo as se vinnt aa s greaseste toal van sai' archiv, bart men klòffen mear as ònderst as de òrbet ont de bérkn van Šebesta en de aunemm van klòffen, en de etnografi ont van sai'na òrbetn pet de film. Derzua bart s plòtz hom aa ver de lander bo as der gaòrbetet hòt ont gaholven hòt za klaum zòmm de pahalter van volker.

En Palai bart klòfft kemmen as de archeologi, as de sai'na òrbetn en Tol, as de sait va de etnografi ont as de sèll va de literatur as ver im an groas vrait gabien ist. Der Šebesta ist kemmen en Tol en de leistn jarder van '40er jor ont dòra vil en de '60er, bo as er mearer untersuachen gamòcht hòt ont vil zòmmklaupt hòt as en klòffen ont as en zaig van a vòrt. Nomitto bart kemmen gamòcht a kloa'na runde uman de heff ont de hittn va Palai ont zan leistn a pasuach van Filzerhof en Vlarotz.

Der programm kònn austschaukt kemmen en doi [LINK](#)

Der to en Palai mòcht toal van programm van PNRR "De kròft va der sprochminderhait: s bider augea' van taitschn derver en sud van Alpn", linea nr. 4 "Seminarn, eventn, mittoal, iniziativn sprochminderhaitn Bersntoler Kulturinstitut".

(lt)